



wantok

NESENEL

Niuspepa bilong ol Papua Niugini stret

Namba 167

Sarere, 23 Epril 1977

Prais 10t.



"ROT I WEL TUMAS LONG I GO ANTAP" **BILISO**

WANEM KAIN SENIS I KAMAP LONG NIUHEBADIS?

Niuhebadis i wanpela kantri i stap long Pasifik Solwara, na em i gat planti ailan i stap insait long en. Nau bikpela senis i klostu kamap pinis long Niuhebadis. Long sampela wik i go pinis dispela kain tok i no bin kamap, tasol nau planti toktok i kamap long dispela senis.

Inglan wantaim Frans tupela i bung na bosim Niuhebadis. Dispela tupela kantri i gat tupela Hai Komisina i stap, na tupela i bosim wok gavman.

Gavman bilong Niuhebadis i gat planti politikal pati i stap. Wanpela pati, nem bilong en Vanuaaku Pati, em i bin lusim pinis Reprisentativ Asembli. Long wanem: Ol i no laik tru dispela pasin olsem wanpela bung bilong ol bisnis man ol i makim 6-pela memba bilong Asembli.

Olsem na long taim Vanuaaku Pati i lusim Asembli, Asembli i no gat man inap long vot long kain kain bisnis i kamap. Olsem na Asembli i no ken mekim wok. Na nau tupela Hai Komisina i rausim olgeta memba bilong Asembli na tupela i singautim nupela ileksen i kamap.

Plantu man i ting bai Vanuaaku Pati inap kisim planti memba moa long nupela Asembli. Tasol pastaim Vanuaaku Pati i laik long dispela pasin bilong makim 6-pela bisnis man ol i stap memba, dispela pasin i mas pinis. Na Vanuaaku Pati i laik long wanpela Konstitusen Komiti i kirap na redim nupela konstitusen. Bai Vanuaaku i laik kamap wanpela independen kantri.

Vanuaaku Pati i laik rausim Inglan na Frans. Dispela tok i pulim tingting bilong planti manmeri bilong ples. Na planti memba bilong Oposisen Pati ol i laik poroman wantaim Vanuaaku Pati na kamapim nupela gavman.

Dispela Oposisin Pati,

nem bilong en UCNH, em i gat planti man bilong Frans ol i bin kamapim dispela pati. Na dispela pati em tu i senisim tingting bilong en. Bipo ol i laik long independens i kamap long 1985. Tasol nau ol i laik long independens i kamap long 1978. Tasol ol i pilim ol i mas i go isi isi long dispela samting.

Ating Frans i redi long lusim Niuhebadis kwiktait, o nogat? Frans i no bin mekim olsem long Afrika. Nogat. Tasol yumi mas was gut long dispela samting.


BAI KIBUNG I KAMAP

I gat wanpela lain Papua Niugini ol i wok wantaim arapela lain long redim rot bilong wanpela bikpela kibung bai i kamap long Vanuaaku. Dispela miting bai i toktok long wanem samting yumi ken mekim bilong helpim olgeta kantri long Pasifik Solwara i kamap strong moa. Na dispela lain ol i was gut long dispela samting bilong Vanuaaku. Long wanem: Bai dispela kibung, nem bilong en "Pasifik '77", em i kamap long Vanuaaku. Ating dispela kibung i kamap long mun Septemba. Long wanem: Long mun Septemba yumi save pinis wanem samting i kamap long Vanuaaku. Na nupela gavman bilong Fiji na long Papua Niugini tupela tu i kamap pinis.

Dispela lain i redim miting ol i wok nau long makim husat bai i go long "Pasifik '77". Bai ol i makim 50 man na meri bilong olgeta hap bilong Pasifik. Na dispela bikpela lain em i kamap long ol sios na kain kain tokples na kain kain wok bilong gavman na kain samting olsem.

Dispela lain em i bin tokaut pinis olsem: "Bilong strongim kantri, yumi mas wok wantaim ol manmeri bilong ples pastaim, na yumi olgeta i mas skelim gut kain kain samting i ken helpim yumi long sindaun gut."

Sampela lain bilong ovasis ol i makim helpim mani inap dispela miting i ken kamap. Na Mista Bernard Narakobi, siaman bilong Papua Niugini Lo Rifom Komisin, em i bin salim



wanpela pas i go long dispela olgeta lain. Em i bekim tok kros bilong ol. Ol dispela lain ol i laik salim planti pesman bilong ol i kam long dispela miting. Tasol ol lain i redim miting ol i no laik long dispela samting. Ol i no laik long planti man bilong ovasis i kam.

Wanpela mak bilong dispela miting i olsem: Kamapim rot bilong ol i ken kisim helpim mani bilong helpim ol manmeri long kamapim kain kain samting inap long strongim kantri bilong ol. Na dispela miting bai em i skelim dispela kain tingting na pasim tok long kain kain

rot yumi ken bihainim bilong helpim olgeta kantri bilong Pasifik i kamap strong.

Sapos yu laik kisim sampela save moa long "Pasifik '77", yu ken salim pas i go long "Pasifik '77", P.O. Box 5768, Boroko.

BAIM WANTOK

Sapos yu wanpela yu laik kisim WANTOK niuspepa i kam long yu stret, orait, yu katim dispela tiket long sisis na salim i kam wantaim K8.00 na bai yu kisim 48 taims long dispela yia.

NEM:
ADRES:

Nau yu putim sek inap long K8.00 i go wantaim dispela tiket insait long wanpela skin pas na yu salim i go long:

WANTOK
BOX 1982
BOROKO

Sapos yu laik baim moa olsem 10-pela WANTOK olgeta wik, mipela i gat spesel prais long dispela. Yu rait na askim mipela.

TOKTOK WANTAIM EM NAMBA WAN HEVI

Sapos wampela kantri i gat 700 tokples i stap, olgeta manmeri i gat hatwok tru long toktok long olgeta arapela manmeri.

Sapos wampela kantri i gat planti bikpela maunten na planti riva, na sapos dispela kantri i no gat planti rot i go nabaut nabaut, long dispela kantri olgeta manmeri i gat hatwok tru long toktok long olgeta arapela manmeri.

Papua Niugini em i kain kantri olsem. Na yumi olgeta i gat hatwok tru long salim kain kain tok i go nabaut nabaut.

Mista Julius Chan, Minista Bilong Fainans, em i tok long dispela hevi long taim em i opim nupela ofis bilong WANTOK. (Yu ken ritim tok bilong en long lip 5.)

Mipela long WANTOK mipela i wanbel long planti tok Mista Chan i mekim. Mipela i laik tumas long nupela gavman i kamap bihain long nesenel ileksen, dispela nupela gavman i save dispela hevi em i namba wan hevi bilong daunim.

Mipela i wanbel long tok Mista Chan i mekim long dispela tok advtais i kamap long radio. Dispela tok advtais em i no helpim wok radio i autim planti toktok i ken helpim ol manmeri. Nogat. Dispela tok advtais em i helpim planti kampani long ovasis long pulim tingting bilong ol manmeri. Na ol manmeri ol i baim kain kain samting bilong ovasis, tasol dispela i no helpim yumi olgeta.


Mipela i wanbel long tok Mista Chan i mekim long kamapim wok telivisen. Yumi mas skelim gut dispela nupela kain wok. Mipela i pilim olsem: Sapos yumi gat telivisen, na dispela telivisen i no helpim kantri bilong yumi i go het, orait mobeta yumi no gat telivisen.

Mipela i wanbel long dispela tok bilong Ofis Bilong Infomesen. Sapos dispela ofis i no gat planti gutpela wokman i stap, orait em i no inap long helpim gavman i autim tingting bilong en inap ol manmeri i ken harim na save. Dispela Ofis Bilong Infomesen i gat planti gutpela tingting bilong helpim ol manmeri long save gut wanem kain samting bai i kamap long taim wok wel palm i kama kamap long Northern Provins. Tasol sampela arapela dipatmen i no laik long Ofis Bilong Infomesen i go insait long dispela samting. Dispela i no stret.

Mipela i laik tumas long olgeta dipatmen bilong gavman, na olgeta arapela lain, na olgeta sios tu, pastaim ol i mas tingting long dispela samting: Olsem wanem na mipela i ken salim toktok i go long ol manmeri long viles inap ol i ken save gut as bilong dispela wok mipela i laik mekim? Olsem wanem mipela i ken opim rot inap mipela i ken harim tingting bilong ol manmeri ol i stap long ples?

Na mipela long WANTOK mipela i wok strong inap dispela niuspepa WANTOK em i kamap niuspepa bilong yupela man na meri i save ritim.

Dispela wok bilong toktok wantaim ol na dispela wok bilong harim tingting bilong ol, em i bikpela wok. Na mipela long WANTOK mipela i no laik kamapim toktok tasol. Nogat. Mipela i laik harim tingting bilong yupela. Mipela i laik kisim nius long kain kain samting i kamap insait long hap ples bilong yupela. Sapos mipela i kisim dispela kain save, orait mipela inap helpim yumi olgeta long daunim dispela namba wan hevi i stap.



Sapos yu dringim dispela liklik hap methal alkohol tasol, orait bai yu dai pinis.

Long Tunde namba 22 de bilong mun Mas, wampela bikpela lain yangpela man bilong Hanuabada viles long Port Moresby ol i bin mekim wampela pati.

Sampela bilong ol i bin painim wampela kain samting i luk olsem wara, tasol i gat strongpela smel na i

no swit. Nem bilong dispela samting i olsem "methal alkohol." (Long tok Inglis yumi kolim olsem "methyl alcohol.")

Ol i ting: "Sapos mipela i dringim dispela, bai mipela i ken spak olsem mipela i dringim planti

bia." Olsem na olgeta wan wan i traim.

Na 33 yangpela man i stap long dispela pati. Krismas bilong ol i namel long 19 na 28.

Ol i dringim planti, na bihain long 10-pela aua sampela bikpela hevi i

Lukim pes 15

LUKAUT LONG METHAL ALKOHOL

Dokta Sirus Naraqi bilong Yunivesiti em i autim dispela tok. Em i no laik bai sampela man moa i dringim methal alkohol n nogut bai sampela moa i dai pinis o sampela moa i kamap aipas.

1. Yu no ken dringim kain kain alkohol nating. Nogat tru. Baim alkohol long stua i gat laisens long en. Dispela alkohol i no save kilim indai man sapos em i dringim em.
2. Sapos yu bin dringim sampela methal alkohol, orait kwiktaim tru yu mas i ran i go long wampela haus sik o helt senta.
3. Sapos wampela wantok o wampela pren em i bin dringim methal alkohol na em i bin dai pinis o em i kamap aipas, orait kwiktaim yu mas salim tok i go long haus sik.

Olgeta kampani i mekim wok long methal alkohol yupela i mas lukaut gut

long dispela kain alkohool. 4. Taim yu mekim wok long methal alkohol, yu mas lukautim gut dispela wok yu mekim. Na yu mas makim stret hamas methal alkohol yu bin yusim long mekim wok.

5. Na olgeta tin na gumi i holim methal alkohol olgeta i mas i gat dispela tok i stap long en inap ol i ken ritim na save. **TAMBU TRU. WANPELA SPUN ALKOHOL EM INAP KILIM YU I DAI PINIS O MEKIM YU I KAMAP AIPAS.** Na dispela tok i mas i stap long tok Inglis na tok Pisin na tok Motu.

6. Na sapos wampela tin bilong methal alkohol em i go lus, orait kwiktaim yu mas tokaut long ol plis. Na yu mas salim tok i go long radio na niuspepa inap dispela tupela lain i ken salim tok i go nabaut nabaut. Nogut wampela man i painim dispela tin na

dringim dispela methal alkohol. Nogat tru.

Na Dokta Naraqi i skruim tok olsem: "Olgeta alkohol em inap bagarapim man na meri. Na ol manmeri i mas save gut long dispela samting."

● Mista Pita Lus, Minista Bilong Ol Kalabus Na Laisens Bilong Alkohol, em i tok olsem: "Nau yumi gat lo i tambuim stua long salim bia na wiski long olgeta Fonde long Port Moresby. Na bihain liklik dispela lo i go long olgeta hap bilong Papua Niugini."

Na em i tok moa, "As bilong dispela lo i go long olgeta hap bilong kantri bilong yumi em i olsem: Mipela i laik daunim dispela pasin bilong planti mani i lus long baim bia na wiski long de bilong kisim pe. Na planti man i spak na i no go long wok long Fraide. Yumi mas wok strong long daunim dispela hevi i stap."

PAS I KAM LONG OL PIPEL

BAIM TAKIS BILONG WANEM

Dia Edita - Mi wanpela hetman bilong ples. Hap long Tauta. Sab Distrik, Madang Provins. Mi yet na ol manmeri i no amamas tumas. Long wanem ol kaunsil na kuskus i goaut long olgeta ples. Na mipela baim takis. Dispela takis mani olsem wanem?

I no ken tingting tumas long taun tasol. Nau yumi yet sanap olsem na ol i mas tingting i go long manmeri i stap long bus. Rot i mas i go het long ol manmeri i stap nabaut long bus. Dispela ol manmeri bai amamas.

Orait bai ol i ken bringim bisnis i kam insait long taun bilong ol pipel. Orait kantri bilong yumi bai kamap strong. Sapos i no tingim dispela kain ol man bai kantri bai i no ken kamap gut. Bikpela bisnis i stap long bus.

Nogut mipela ol manmeri bilong wan wan provins i stap long bus olsem bipo. Mipela dispela ol manmeri i no abus, nogat. Mipela ol manmeri bilong ples. Olsem, orait mipela manmeri bilong bus i no ken takis i go long kaunsil. Dispela wari bilong mipela ol manmeri i stap nabaut insait long bikpela bus bilong provins bilong yumi.

Jasaggara Karimba,
Madang.

KARIM MERI

Dia Edita - Mi wanpela Woda i laik bekim pas bilong H. Tom bilong Lae. Yes Tom yu tok long ol dispela lain meri Koreksional Ofisa. Ating yu gat laik long ol na yu daunim spet na raitim long Wantok Niuspepa. Ating yu wanpela Woda pinis o yu i stap yet long dispela Sevis na yu giaman raitim olsem yu pinis.

Pren, mi tokim yu, yu i no gat save bilong yu inap long ol dispela meri ol i winim yu long save bilong ol. Ating yu wari tru long

yunifom bilong ol. Ol i no raskal bilong amamas long yunifom. Nogat. Ol i wokim wok na helpim dispela kantri.

Sapos yu karim pikinini meri yu salim em i mas kamap "Female Officer Bilong Corrective Institution Service."

Tokim meri bilong yu mas karim pikinini meri.

Michael Paron Kanipo,
Bomana.

RASKAL

Dia ol plisman, Mi gat tingting olsem long kain we bai yupela i stopim dispela raskal pasin. Dispela tingting bilong mi i go olsem: Mi laik yupela i mekim olsem long ol.

(1) Kilim man i dai

Kilim man i dai em i wanpela samting nogut tru. Sapos plis i holimpas wanpela raskal o ol raskal husat i kilim man i dai, ol i mas mekim olsem long ol. Pes ting tru, ol i mas rausim gras bilong dispela raskal na mekim em i kela. Sepim tru long resa.

Na bihain ol i mas kalabus inap 5 yia. Insait long dispela 5 yia ol raskal i mas i gat hat leba tru.

Na olgeta taim yunifom bilong ol, em ol i mas stap kela na putim trausis tasol. Nogat slot. Sapos gras i kamap liklik, ol woda i mas sepim i go inap dispela raskal i lusim haus kalabus.

Na hat wok bilong ol i mas narakain long ol narapela kalabusman. Ol i wok long 6 klok moning i go inap 6 klok apinun. Long ol wok ol i ken digim graun na wokim gaden bilong ol kalabus. O ol i ken katim gras long nupela sarep i no sap na i no gat andel long en. Em long ol man i kilim man i dai.

(2) Stilim ol samting.

Dispela tu mi ting em i no gutpela samting. I luk olsem dispela tu i mas sem olsem namba wan mi tok pinis long en. Tasol dispela ol i ken givim ol olsem 3 yia samting.

Sapos ol i stilim bikpela samting olsem, brukim beng o bikpela stua em i sem olsem kilim man i dai. So panismen i mas sem olsem namba wan.

Tasol wanpela samting yupela ol plis i mas givim ol taim tu na ol i ken pilim. Na i ken isi long ol. Mekim save long ol. Givim ol panismen em ol i ting i nogut na nogut olgeta.

Sapos yupela i holim wanpela lain raskal, orait yupela i ken mekim olsem tu. Lainim ol long bikpela sekol na tokim ol i holim yau bilong narapela na pulim inap sampela blut i kapsait o yau i bruk em i orait tu. Olsem mipela i save mekim long skul. Em sampela spot bilong ol.

Olsem mi tok tasol. Yupela yet i ken mekim long laik bilong yupela. Em tasol na tenkyu tru.

Otto Wangilen,
Maprik/E.S.P.

SALIM OL
PAS I KAM
LONG:

WANTOK
BOX 1982
BOROKO

NO DAUNIM MADANG

Dia Edita - Hia mi laik bekim pas bilong wantok ya Andrew Maren bilong as ples Madang tasol nau em i stap long Goroka. Long Wantok, Sarere Mas 19-1977.

Yes wantok yu tok yu sapotim tok bilong Provinsal Komisina, Mista Jerry Nalao. Na yu tok ol man bilong Madang Provins i mas wok hat long kirapim provins bilong ol. Orait, hia mi laik askim yu long ol sampela askim o kwesten.

1. Wantok yu bilong we na wanem provins bilong yu?
2. Yu bilong Hailans o nambis?
3. Bai yu stap olgeta long Goroka o bai yu kam bek gen long Madang?

4. Yu wok long ol waitman raun nabaut long ol provins na husat bai i wokim olkain bisnis bilong kirapim Madang?

5. Yu marit o yu singel?

6. Sapos yu gat sampela pikinini i stap na taim yu pinis long Goroka na yu kam long Madang na bai yu mekim wanem long ol pikinini bilong yu?

Wantok mi tokim yu stret traim na lusim Goroka na yu kamdaun long Madang na traim kirapim sampela bisnis long as ples bilong yu. Maski long go i stap long narapela provins na mekim planti gutpela wok na kirapim narapela provins.

Traim na kirapim provins bilong yu yet maski long go i stap longwe na pairapim maus bilong yu olsem klaut i pairap. Mi save yu i no gat gutpela stori bilong putim i go insait long Wantok Niuspepa. Olsem na yu giaman long dispela stori bilong yu na tu yu laik bai ol pipel bilong Madang Provins i mas lukim nem bilong yu long Wantok, laka?

Yu save hamas man insait long Madang nau ol i trai hat long wokim olkain bisnis. Traim na long wanpela pablik holide yu kisim balus na yu kamdaun long Madang taun. Orait, yu kisim ka na yu bihainim Not Kos Rot i go inap long Bogia na lukim ol bisnis bilong ol man bilong ples na yu raunim bus na nambis.

Orait narapela de gen yu kisim ka na bihainim Amele na Yagaum, raunim nambis na bus i go olgeta inap long Bundi na Usino. I kamdaun na i go olgeta long hap bilong Saidor. Yu mas kaunim gut wanem ol kain kain bisnis long ol dispela hap bilong Madang taun.

Orait bihain yu kisim balus gen na yu go bek long Goroka. Na yu ken rait gen na tokim ol pipel bilong Madang Provins na yu ken tokim ol bisnis i no planti. Yupela i mas wok hat long ol bisnis na kirapim provins bilong yupela.

Man, wantok yu no ting wok bilong bisnis i isi wok mi no save yu i stap long Goroka, mekim wanem kain wok tru. Sapos yu yet yu laik holim sarep, tamiok na naip long wokim wanpela kain bisnis wok, sori wantok, mi no save bai yu wokim o yu tromoi ol tui bilong wok na yu ranawe pinis.

Mipela ol pipel bilong Madang i traim hat yet long kirapim provins na maski long yu raun nabaut long ol provins bilong painim hap pia kai kai bilong ol waitman na yu laik pusim mipela ol man bilong provins long wok hat.

Ol Hailans i no wokim wok bilong Madang Provins bilong yu na yu litimapim nem bilong Hailans em i provins bilong ol. Yu traim litimapim nem bilong yu na provins bilong yu.

So wantok Andrew Maren ating em tasol mi gat bilong bekim. Sapos yu gat wanem wari, rait tasol long Wantok Nius o yu ken rait long mi.

J.F. Coomy,
Box 234,
Madang.

PLISMAN LONG AS PLES

Dia Edita - Mi i gat wanpela strongpela tingting. Em olsem as tru em ol i kolim Wantok Sistem.

Olsem sapos mipela i tok orait long plisman i ken kam long ples bilong en, mipela pipel bai i no inap i stap gut. Yu lukim as bilong dispela samting. Taim wanpela lain wantaim narapela lain tupela i kam kot. Na lain bilong wanpela i gat wanpela plisman. Na taim ol i go kot dispela plisman bai helpim lain bilong en. Na narapela lain i pilim sori na bihain bai ol i kirapim bikpela pait. Olsem na mi i no laikim ol plisman i go long ples bilong ol.

Balen Nandi,
Laiagam/Enga.

**MISTA JULIUS CHAN, CBE, MP, MINISTA
BILONG FAINANS, EM I AUTIM DISPELA
TOK LONG TAIM EM I OPIM WANTOK OFIS
LONG PORT MORESBY LONG 29 MAS 1977.**

Mi gat bikpela amamas tru long WANTOK i bin askim mi long kamap long tude bilong opim dispela nupela ofis bilong Port Moresby.

● Mi bin ritim WANTOK niuspepa inap long 7-pela yia. Long taim WANTOK niuspepa i statim wok, mi bin kisim na ritim. Na mi laikim tumas dispela WANTOK niuspepa. Mi ting WANTOK niuspepa em i mekim wanpela gutpela wok. Em i wanpela niuspepa em i kamap long tok Pisin. Na em i wanpela nesenel niuspepa em i kamap olgeta wan wan wik. I no gat narapela niuspepa long Papua Niugini em i mekim pasin olsem.

● Na wok WANTOK i mekim em i namba wan tru. Long wanem: WANTOK i raitim kain kain tok bilong rot yumi ken bihainim bilong helpim bilong yumi i kamap strong. Na planti tok i kamap long WANTOK long pasin yumi ken mekim bilong helpim olgeta viles na as ples bilong yumi.

● Bipo het ofis bilong WANTOK i stap long Wewak. Tasol nau ol i bringim het ofis i kam long Port Moresby. Dispela senis bai em i helpim WANTOK long wok strong moa long olgeta samting bilong helpim kantri bilong yumi i go het.

● Mi gat planti tingting long dispela wok olsem wok niuspepa na wok radio na wok televisen.

● Mi pilim yumi mas skelim gut dispela wok televisen inap yumi ken skelim planti manmeri long kain kain samting, orait pasin yumi mas skelim gut pe bilong mekim dispela wok. Na yumi mas save gut wanem kain senis bai i kamap long tingting bilong ol manmeri. Na long taim yumi skelim dispela samting yumi mas save gut wanem kain samting i stap bilong mekim dispela wok televisen.

● Na mi tok strong. Bai yumi no ken kamapim wok televisen em i kisim kain kain toksave na samting bilong ovasis. Nogat tru. Dispela kain televisen em i no helpim yumi. Mo-beta yumi no gat televisen.

Mi gat sampela wari long dispela tok advatais i stap nau long radio. Mi ting dispela tok advatais em inap pulim tingting bilong ol manmeri inap ol i laik baim kain kain samting. Na planti long dispela kain samting ol i laik baim, yumi yet i no wokim insait long kantri bilong yumi. Nogat. Yumi kisim i kam long narapela kantri. Dispela pasin i helpim yumi long winim mak bilong yumi? Mi ting em i no inap. Sapos Nesenel Brotkasing Komisin i mekim dispela tok advatais bilong pulim mani tasol, mi ting dispela asua i no stret. Mo-beta yumi skelim gen dispela pasin bilong tok advatais.

● Long kantri olsem Papua Niugini, yumi gat hatwok tru long salim planti tok tok i go nabaut inap ol manmeri i ken save gut kain kain samting i kamap. Na planti senis tu i kamap kwiktaim tru. Olgeta dispela samting i givim kain kain hevi long yumi.

● Mi pret long planti manmeri ol i no klia long wanem wok gavman i laik mekim na olsem wanem olgeta wok bilong gavman ol i bung wantaim na poroman. Mi save, senis i kamap pastaim, na bihain liklik ol manmeri i kisim save long dispela senis. Tasol mi pilim planti manmeri i no harim gut toktok bilong gavman, na ol i no save gut wok gavman i laik mekim. Wanpela as bilong dispela hevi em i stap long wok radio na wok niuspepa.

● Mi ting wok radio na wok niuspepa tupela i mas i kamap gutpela moa. Maski kamapim narapela kampani bilong mekim wok radio na kamapim planti niuspepa moa. Nogat. Yumi strongim wok ol i mekim nau inap dispela wok i ken karim gutpela kaikai.

● Wok radio na wok niuspepa tupela i mas helpim yumi olgeta. Sapos dispela wok radio na wok niuspepa i stap long han bilong gavman tasol, orait tupela i mas helpim yumi olgeta. Sapos tupela i stap long han bilong narapela lain manmeri, orait tupela i mas helpim yumi olgeta.



Mista Julius Chan, Minista Bilong Fainans, em i autim tok long de mipela i opim nupela ofis bilong WANTOK long Port Moresby.

Long sampela arapela kantri, wok radio na wok niuspepa tupela i no tingting planti long helpim ol manmeri. Nogat. Tupela i tingting long kisim bikpela profit tasol. Na tupela i no wari tumas long wanem kain tok tupela i autim.

Tasol mi pilim olsem: Long Papua Niugini dispela pasin i no ken i stap. Dispela pasin i no helpim yumi olgeta. Planti wok tumas i stap. Maski tromoi mani nating long mekim wok i no inap karim kaikai.

Papua Niugini em i wanpela kantri i stap fri. Na gavman i no gat pawa long bosim wok radio na wok niuspepa. Na gavman i no gat pawa long tok yesa o tok nogat long wanpela tok i laik kamap long radio o niuspepa. Olgeta manmeri i ken tok bilas long gavman na krosim gavman. Na sampela taim gavman i bekim dispela tok. Tasol dispela pasin, olsem tok pait liklik, em i helpim yumi long kliaim tingting bilong yumi. Dispela pasin em i pasin bilong kantri i stap fri.

● Wok radio na wok niuspepa tupela i mas save gut rot tupela i mas bihainim bilong helpim kantri bilong yumi i go het. Long wanem: Yumi no gat planti wok radio i stap. Na yumi no gat planti wok niuspepa i stap.

Olsem na ol manmeri i no inap harim narapela narapela tok na ol i no inap ritim narapela narapela niuspepa. Nogat. Olsem na rot i stap inap bai radio na niuspepa tupela i ken kisim planti pawa moa. Sapos planti radio na niuspepa i stap, bai yumi no gat wari long dispela pawa bai i kamap.

● Na radio na niuspepa tupela inap helpim yumi. Na tupela inap helpim kantri i go het. Yumi bin makim ol Membra Bilong Palamen. Na ol i kamapim kain kain mak yumi laik winim inap kantri bilong yumi i ken kamap strong. Radio na niuspepa tupela i mas helpim yumi long winim dispela olgeta mak.

● Na dispela tok i soim yumi wanem kain wok radio na niuspepa i mas mekim. Sapos wanpela niuspepa i raitim planti tok long pasin Elizabeth Taylor i mekim long senisim man bilong en, tasol dispela niuspepa i no raitim tok bilong kain kain samting i ken helpim yumi long kamapim gutpela pasin long viles, orait dispela niuspepa i no gat asua long i stap insait long kantri bilong yumi.

● As bilong dispela tok em i olsem: Ol edita na ol man i raitim tok i go long niuspepa na ol man i wok long radio, ol i mas save ol i olsem lida bilong yumi.

Olsem na ol i mas mekim gutpela pasin bilong lida. Mi no tok long ol i mas pasim maus bilong ol. Nogat. Sampela taim ol i mas tokaut long kain kain rong i bin kamap. Tasol ol i no ken hambak nabaut na nogutim nating gavman. Nogat. Ol i mas i stap long helpim yumi long save gut kain kain samting.

● Mi bel hepi tru long WANTOK i bihainim gutpela pasin bilong wok niuspepa. Sampela taim WANTOK i bin tokaut strong long kain kain samting. Tasol em i no pilai nating long wok em i mekim. Nogat. Mi save mak Het Komiti bilong WANTOK i bin putim bilong stiaim wok. Dispela mak i olsem:

- WANTOK i mas kamapim kain kain tok inap helpim olgeta man na meri i stap long Papua Niugini.

WANTOK i mas raitim tok inap yumi ken save wanem samting i as tru bilong nius.

WANTOK i mas mekim wok inap bai yumi kamap strong moa, na Kristen bilip na Kristen pasin bilong yumi tupela tu i kamap strong moa.

WANTOK i mas soim yumi gutpela rot inap ol manmeri i ken save rit rait.

WANTOK i mas soim yumi gutpela rot inap yumi olgeta i ken sindaun gut na yumi olgeta i ken bihainim lo bilong yumi.

WANTOK i mas i stap niuspepa bilong Papua Niugini stret.

WANTOK i mas helpim ol Papua Niugini long raitim kain kain tok na autim tru tingting bilong ol.

WANTOK i mas wok wantaim radio na narapela niuspepa.

● Olgeta dispela mak em i gutpela tru. Na bai ol i mas hatwok tru long winim dispela olgeta mak. Sapos WANTOK i bihainim tru olgeta mak, na sapos WANTOK i winim tru olgeta mak, na sapos WANTOK i winim mak, bai WANTOK i mekim gutpela wok tru long helpim yumi manmeri na helpim kantri bilong yumi i kamap strong. Mi laikim tumas long WANTOK i stap long taim long Port Moresby. Mi laik tumas long WANTOK i wok strong na winim olgeta mak bilong en.

STUDEN KRISTEN MUVMEN

I no longtaim i go pinis na Mista Paul Masta, wanpela studen long PNG Yunivesiti, em i bin i stap nsait long wanpela bikpela dibung long kantri ol i kolim Sri Lanka. Dispela em i wanpela ailan i stap klostu long India. Paul em i bilong Manus.

Dispela kibung ol i bin nolim i bilong olgeta Kristen-studen long olgeta hap bilong graun.

Paul yet i bin statim wanpela grup ol i kolim Studen Kristen Muvmen. Em i no bikpela grup, tasol ol i wok long go het hariap tumas. Paul yet em i presiden bilong dispela grup.

Dispela grup i gat ofis bilong en yet long PNG Yunivesiti long Port Moresby na long Lae tu. Na ol i laik statim arapela ofis long ol arapela koles na hai skul.

Krismas bilong Paul em 27. Na em i tok "Namba wan wok bilong mipela em bilong helpim ol pipel na

tok klia long wanem samting i kamap long kantri. Na mipela i laik traim long painim sampela rot bilong pinisim wari long ol arapela kantri. Ol kain kain wari olsem ol manki i no gat wok na manki i save mekim olkain trabel."

Paul i tok moa olsem: "Wan wan taim bai mipela i givim askim o tingting bilong mipela i go long Gavman. Na mipela i planti wok bilong mekim, olkain wok olsem helpim ol manki i dropout long skul long Hohola. Mipela i save helpim ol na painim wok ol i ken mekim. Dispela i helpim ol i amamas oltaim, na ol i helpim kantri i go het."

Paul i tok liklik, i spik moa, "Mipela i save bihain ol lo bilong Kristen. Mipela i laik helpim kantri i ka kamap strong."

Bipo Paul em i wanpela soldia long PNG Difens Fos, na bihain em i bin i go wok wantaim TAA na Air Niugini. Tasol bihain long dispela em i bin i go skul long Yunivesiti. Na nau em i stadi long politikal saiens.



Mista Paul Masta, presiden bilong Studen Kristen Muvmen.

BONEO PIKSA

Yu laik kisim wanpela fri film (blak/wait) ?

Yu laik save long PE bilong ol

arapela Kodak film na kamera ?

(Pe i daunbilu tru.)

Orait, raitim pas i go long :

BONEO PIKSA

BOX 217

FINSCHHAFEN

THE INVESTMENT CORPORATION OF PAPUA NEW GUINEA



* Long poto antap ya yumi lukim wanpela wokman bilong dispela kampani, Hona Tavati, i wok long sekhanim Mista Bono Azanifa, M.P. bilong Henganofi Open, E.H.P., taim em i baim sampela sea long dispela kampani.

BAIM SEA LONG INVESMEN KOPORESEN
BILONG PAPUA NIUGINI

na bai yu kisim winmani bilong wanpela
bikpela bikpela kampani tru

Sapos yu laik save moa long we bilong kisim
winmani, yu rait long: Investment Corporation
P.O. Box 155
Port Moresby

NEM BILONG YU:

ADRES BILONG YU:



OL MERI I KISIM SAVE LONG LUK- AUTIM HAUS BUK

I no longtaim i go pinis na 6-pela meri i bin lusim PNG na i go skul moa long wok bilong lukautim ol haus buk. (Long tok Inglis yumi kolim "librarian".) Bai ol i skul inap long 2-pela yia olgeta long Perth long Westen Australia.

Ol meri ya i gat bikpela save long dispela kain wok. Long wanem: Ol i bin winim Laibreri Ofisa Setifiket long Administretiv Koles long Port Moresby.

Longtaim 2-pela yia i pinis na ol i kam bek, bai ol

i kisim bikpela wok insait long ol haus buk long PNG. Em hia nem bilong ol na wanem haus buk ol i save wok long en. (I stat long hankais na i go long han sut.)

Watorea Ivora (Skul Laibreri Sevis) na em bilong Gulf Provins. Cecilia Bos (Administretiv Koles) na em bilong Nu Ailan Provins. Haro Malala (Administretiv Koles) na em bilong Gulf Provins. Wendy Charlie (Yunivesiti Laibreri long Port Moresby) na em bilong Sentral Provins. Wilma Matalas (Sama Institut Bilong Tok Ples) na em bilong Nu Ailan Provins. Na Lily Fletcher (Nesenel Palamen) na em bilong Sentral Provins.



FOAPELA PNG MERI I STAP LONG FIJI

Dispela 4-pela meri i stap long piksa ol i stap longwe. Ol i meri bilong Papua Niugini na ol i skul long Suva long Fiji.

Meri i sindaun long han kais em Mary Toliman bilong Toma Viles long Rabaul. Em i stadi long edukesen. Na meri i sindaun long han sut em Hagar Hoadia bilong Kwato long Milne Bay Provins. Em i stadi long pasin kaikai i mekim long strongim bodi. Na meri i sanap long han kais em Paula Kaiyo bilong Vanimo long Wes Sepik Provins. Em i stadi long pasin kaikai i mekim long strongim bodi. Na meri i sanap long han sut em Julia Daia bilong Tufi long Noten Provins. Em i stadi long kain kain buk planti manmeri i bin raitim.

Dispela lain meri ol i salim pas i kam long WANTOK NIUSPEPA. Ol i autim tok long sindaun bilong ol long Fiji. Na ol i tok long ol i amamas tru na mekim bikpela pati long dispela de i makim namba wan yia bilong PNG independens.

Mary i raitim tok olsem: "Long taim san kamap, mipela i kirap. Na mipela i putim kaset long masin, na planti musik bilong PNG i kamap strong tru, na planti manmeri ol i harim. Na mipela i sekan long wan wan na amamas long dispela de. Na mipela i bilasim rum bilong mipela long planti plaua. Mipela i tingting planti long as ples bilong mipela.

"Mipela i bin kisim sampela T siot. Na dispela T

siot i gat tok i stap olsem: Namba Wan Yia Bilong PNG Independens. Na piksa bilong kumul i stap wantaim. Na long baksait long T siot i gat tok olsem: Ma-lau. Em i tokples bilong ol Tolai.

"Na planti studen bilong olgeta hap bilong Wansolwara ol i kam na amamas wantaim mipela. Ol i kam bung long rum kaikai bilong yunivesiti.

"Na long neks de klostu 20 manmeri bilong Papua Niugini ol i bung long haus bilong wanpela famili. Na mipela i redim wanpela mumu, na mipela i traim kain kain danis bilong mipela.

"Bihain liklik planti pren i kam bung wantaim mipe-

la. Namba bilong ol i klostu 100. Mipela i laikim tumas kain pasin mipela i mekim em i bihainim pasin mipela i mekim long Papua Niugini. Olsem na mipela i bilasim rum long kain kain samting bilong Papua Niugini, olsem piksa na akis na kain kain samting olsem. Mipela i bin wokim sampela mat long lip bilong kokonas na mipela i sindaun long dispela mat.

"Long Fiji ol i gat wanpela pasin ol i mekim long taim pren i kam long haus. Dispela pasin i olsem: Ol i givim "kava" long ol. Em i wanpela dring ol i mekim long susu bilong kokonas. Tasol mipela i ting mobeta mipela i bihainim pasin bilong Papua Niugini. Olsem na long taim ol pren i kam, mipela i givim buai wantaim kampang na daka long ol.

"Mipela i bin kisim buai long haus bilong sampela manmeri bilong India. Ol i planim diwai buai inap long bilasim graun bilong ol.

"Mipela i sindaun long haus bilong Jehovah Gaita, na em i statim pati na autim liklik tok. Bihain mipela olgeta i kaikai. Mipela i no yusim fok na spun. Nogat. Mipela i kaikai long han bilong mipela. Olgeta kaikai i slip long lip banana.

"Mipela i kaikai pinis na mipela i mekim kain kain danis. Pastaim mipela i mekim wanpela danis bilong Manus. Dispela danis i danis bilong kuka. Na namba tu danis em bilong ol meri Tolai. Na namba tri danis em bilong Morobe. Na las danis em bilong ol Mekeo.

"Bihain pati i pinis, na ol pren ol i lusim mipela na ol i go. Tasol mipela i stap yet na mipela i singim planti song bilong as ples bilong mi. Na mipela i tok tok planti long kain kain samting i stap long as ples. Bihain mipela i driman long as ples bilong mipela."



**SPESEL TAIA
BILONG OL
STOUT
LANDCRUISER**

**TAIA BILONG
ROT I GAT
GRAUN**

**SAIT BILONG
EM I NO SAVE
BRUK HARIAP**

**GAT NAILON
INSAIT**


**NO KEN
PULAP
LONG GRAUN**

SL 803

LAE: Air Corps Rot, klostu long maket

MORESBY: Manahu na Gabaka Strit, Gordons

TOKSAVE BILONG



NESENEL ILEKSEN

Sapos yu kamap 18 yia pinis namel long 7 Epril i go inap long 9 Julai, orait yu mas lukim gut dispela toksave i stap.

Sapos yu kamap 18 yia pinis namel long 7 Epril i go inap long 9 Julai, orait bai yu tu inap vot long dispela nesenele ileksen. Tasol yu mas bihainim stret dispela tok i stap daunbilo.

1. Pastaim yu mas i go long Ofis Bilong Ileksen o long Pos Ofis long ples bilong yu, na yu mas kisim pepa. Dispela pepa i gat mak olsem "N 16," na nem bilong dispela pepa i olsem: "Pepa Bilong Kisim Vot Pepa Long Pos Ofis Bilong Man No Meri I Kamap 18 Yia Pinis Long Dispela Namel Taim." (Long tok Inglis nem bilong dispela pepa em i olsem: "Application for Postal Vote Certificate and Postal Ballot-Paper by Person Attaining 18 Years of Age After Issue of the Writ and Before End of the Polling Period.")
2. Na yu mas ritim gut olgeta tok i stap long dispela pepa. Sapos yu no save gut wanpela tok i stap, orait askim wanpela Helpim Man Bilong Ileksen bilong helpim yu long kisim save.
3. Nau yu mas bekim olgeta askim i stap long dispela pepa. Long taim yu bekim askim, wanpela wisnis i mas i stap wantaim yu. Nem bilong dispela wisnis em i mas i stap pinis long Lista Bilong Vot.
4. Raitim bekim bilong yu long olgeta askim i stap long dispela pepa. Raitim nem bilong yu wantaim namba bilong de long dispela pepa. Na wisnis em tu i mas raitim nem bilong en wantaim namba bilong de long dispela pepa.
5. Na salim dispela pepa i go long Bosman Bilong Ileksen long ilektoret bilong yu. (Dispela ilektoret bilong yu em i ilektoret yu bin i stap insait long en long dispela 6-pela mun i go pinis.) Dispela pepa i mas i kamap long Bosman Bilong Ileksen namel long 18 Epril i go inap long 2 Julai.


Sapos Bosman Bilong Ileksen em i yesa long dispela pepa yu bin salim long em, orait em i raitim nem bilong yu long Lista Bilong Vot. Na bai em i salim tupela vot pepa long yu. Na em i salim sampela toksave wantaim tupela vot pepa inap yu ken makim stret tupela vot pepa bilong yu.

Tingim gut dispela tok. Yu mas salim dispela pepa long Bosman Bilong Ileksen. Na yu mas vot long tupela vot pepa bai em i salim i kam long yu. Yu no ken vot long ples bilong vot olsem olgeta arapela manmeri. Nogat tru.

Mi yet mi raitim, J.S. Mileng, Komisina Bilong Ileksen 25 Mas 1977.

LO BILONG

NESENEL ILEKSEN



SENISIM SAMPELA

BOSMAN BILONG ILEKSEN

Komisin Bilong Bosim Ileksen em i gat pawa bilong makim Bosman Bilong Ileksen. Dispela pawa i stap long Seksen 18 long Lo Bilong Nesenele Ileksen. Olsem na Komisin Bilong Bosim Ileksen em i mekim olsem:

- (a) Komisin i kisim bek dispela toksave bilong Makim Bosman Bilong Ileksen. Dispela toksave i bin kamap long 18 Februeri 1977 na em i stap long NESENEL GASET Namba G23 long 10 Mas 1977. Komisin i kisim bek dispela toksave bilong makim David Ian MacDonald i stap Bosman Bilong Ileksen bilong Bougainville Provinsal Iektoret na Central Bougainville Iektoret. Na em i kisim bek dispela toksave bilong makim Moka Havara i stap Bosman Bilong Ileksen bilong South Bougainville Iektoret.
- (b) Na Komisin i kisim bek dispela toksave bilong Makim Bosman Bilong Ileksen. Dispela toksave i bin kamap long 14 Mas 1977 na em i stap long NESENEL GASET Namba G25 long 17 Mas 1977. Komisin i kisim bek dispela toksave bilong makim Abraham Wari em i stap Bosman Bilong Ileksen bilong North Bougainville Iektoret.
- (c) Na Komisin i kamapim nupela toksave na makim dispela lista i stap daunbilo. Lista Namba Wan i gat nem bilong man, na Lista Namba Tu i gat nem bilong ilektoret.

LISTA

Lista 1
Nem bilong bosman

Lista 2
Ilektoret

Moka Havara
Moka Havara
Abraham Wari
Nangai Sabin

Bougainville Provins
Provinsal Iektoret
Central Bougainville Iektoret
South Bougainville Iektoret
North Bougainville Iektoret

Mi yet mi raitim, J.S. Mileng, Komisina Bilong Ileksen 29 Mas 1977.




Komisin Bilong Bosim Ilekse em i autim wanpela toksave. As bilong dispela toksave i olsem: Banis bilong planti ilektoret i bin senis. Olsem na nem bilong ilektoret i stap long Lista Bilong Vot em tu i senis. Komisin i mekim dispela samting na bihainim tok i stap long Seksen 41 bilong Lo Bilong Nesenel Ilekse. Lukim dispela lista i stap daunbilo na save gut nupela nem bilong olgeta ilektoret.

Provins	Nem bilong ples	Olpela nem bilong ilektoret	Nupela nem bilong ilektoret
BOUGAINVILLE			
CENTRAL	Amazon Bay na Marshall Lagoon Maunten Obree, Maunten Brown, Miria, Ormond, Hood Lagoon, Koiari na hap bilong Rigo Lokal Gavman Kaunsil	Rigo-Abau Open Rigo-Abau Open	Abau Open Rigo Open
CHIMBU	Mitnande na Nigikande	Mt. Wilhelm Open	Kundiawa Open - na Waiye i kam insait long dispela ilektoret Sinasina-Yonggamugl Open
	Yonggamugl	Kundiawa Open	Karimui-Nomane Open Gumine Open Karimui-Nomane Open
	Bomai Dom Hap bilong Salt	Gumine Open Kundiawa Open Gumine Open	
EAST NEW BRITAIN	Hap bilong Central Bainings i no i stap bipo insait long Pomio Open	Kokopo Open	Pomio Open
EASTERN HIGHLANDS	Livuan na Reimber Unggai na Bena-Bena Gintino, Kalyufa, Lampo Kafetegu na Kobafu viles insait long Dunantina Gadsup na Taiora	Rabaul Open Goroka Open Henganofi Open	Gazelle Open Unggai-Bena Open Unggai-Bena Open
		Kainantu Open	Obura-Wonenara Open
EAST SEPIK	Aua na Wuvulu Ailan	Wewak Open	Manus Open
	Abei May, Arai May,	East Sepik Regional Upper Sepik Open	Manus Provinsal Ambunti-Dreikikir Open
	Waniap May, Sepik May na Central May Wongamusum na	West Sepik Regional Upper Sepik Open	East Sepik Provinsal Ambunti-Dreikikir Open
	Waliosio Numau Ablatak, Upper	West Sepik Regional Upper Sepik Open	East Sepik Provinsal Ambunti-Dreikikir Open
	Sepik na Waskuk Hills Samsai na Niksek - bipo tupela i stap long Yessan Gawanga, Kombio, Urat, Urim na Wam Ambum	West Sepik Regional Upper Sepik Open West Sepik Regional Dreikikir Open	East Sepik Provinsal Wosera-Gau Open East Sepik Provinsal Ambunti-Dreikikir Open
ENGA		Wabag Open	Kompiam-Ambum Open
	Lai Mariant na Wage Hewa na Paiela na Porgera	Kandep-Porgera Open Kandep-Porgera Open	Kandep Open Lagaip-Porgera Open
	North Hewa na South Hewa	Kandep-Porgera Open	Koroba-Lake Kapiago Open
		Western Highlands Regional	Southern Highlands Provinsal
	(Save gut: Enga ilektoret em i nupela. Long nesenel ilekse bilong 1972 Enga ilektoret i no i stap. Nogat. Long dispela taim bipo Enga ilektoret em i hap bilong Western Highlands ilektoret.)		
GULF MADANG	Hap bilong Andarum Gainj na Mareng Angamu-Kumaran Avisan na Wanuma Kosilanta - bipo ol i kolim Saruga, Kare, Para na Yaben,	Middle Ramu Open Middle Ramu Open Middle Ramu Open Sumkar Open	Bogia Open Usino-Bundi Open Usino-Bundi Open Middle Ramu Open


(i go moa long pes 10)

KOMISIN BILONG BOSIM ILEKSEN



Komisin Bilong Bosim Ilekseen em i autim wanpela tok: toret i bin senis. Olsem na nem bilong ilektoret i stap lor ting na bihainim tok i stap long Seksen 41 bilong Lo Bil gut nupela nem bilong olgeta ilektoret.

GULF MADANG	Bagasin Yupna	Madang Open Rai Coast Open Madang Regional Usino-Bundi Open Bogia Open Madang Regional Wewak Open East Sepik Regional Esa'ala Open	Usino-Bundi Open Kabwum Open Morobe Provinsal Rai Coast Open Wewak Open East Sepik Provinsal Manus Open Manus Provinsal Kiriwina-Goodenough Open Samarai-Murua Open Kiriwina-Goodenough Open
	Naho-Rawa Boisa Ailan		
MANUS	Aua na Wuvulu Ailan		
MILNE BAY	Goodenough		
MOROBE	Samarai Ailan Luscancay, Kilavila, Kuboma, South Kiriwina na Kitava Bukaua Lei Wompa i stap namel long taun banis bilong Lae na Busu Riva, tasol Butibum na Buko na Balob Tisa Koles i no i stap insait long dispela mak Papuan Waria	Alotau Open Kula Open (nau yumi kolim em Samarai-Murua)	Nawae Open Nawae Open
	Garaina - bipo yumi kolim Middle Waria na Bubu na Ono na Upper Waria Yupna	Huon Gulf Open Morobe Regional Huon Gulf Open	Sohe Open Northern Provinsal Bulolo Open
	Kalolo - bipo yumi kolim em Sio Siassi na Kalasa na Dedua Wards 5 na 6	Rai Coast Open Madang Regional Kabwum Open Finschhafen Open Moresby Inland Open	Kabwum Open Morobe Provinsal Tewai-Siassi Open Tewai-Siassi Open Moresby North-East Open
	Wards 7 na 8	Moresby Inland Open	Moresby North-West Open
DISTRICT	Ward 1	Moresby Coastal Open	Moresby North-West Open
NEW IRELAND NORTHERN	Wards 2 na 3 na 4 Toksave: Bipo Kepital Distrik Provinsal Ilektoret em i stap olsem Sentral Rijonal Ilektoret.	Moresby Coastal Open	Moresby South Open
	Papuan Waria	Huon Gulf Open Morobe Regional Sohe Open	Sohe Open Northern Provinsal Ijivitari Open
	Hap bilong Popondetta - olsem Popondetta taun na Soputa, Inonda, Sewa, Girua, Hohota, Jegarata, Isuga, Sangara, Kokandeta, Huvivi, Awowoto, Dobuduru na Gewoto		
SOUTHERN HIGHLANDS	Paru Mananda, Benaria na South Basin Etoro na Waragu	Koroba-Kopiago Open Tari-Komo Open Poroma-Kutubu Open	Tari Open Komo-Margarima Open Komo-Margarima Open Tari Open
	Puljero, North Basin, East Basin, Haibuga Munima, Central Basin na Iumu Orogo, Fasu, Foi'i na Nembi Valley	Tari-Komo Open Poroma-Kutubu Open	Nipa-Kutubu Open




SENIS BILONG NEM BILONG ILEKTORET

ilong dispela toksave i olsem: Banis bilong planti ilek-
ilong Vot em tu i senis. Komisin i mekim dispela sam-
nel ileksen. Lukim dispela lista i stap daunbilo na save

	Nembi Plateau na Nipa na Basin Margarima na Wage	Nipa Open Nipa Open	Nipa-Kutubu Open Komo-Margarima Open Imbonggu Open
	Undiri na Kambiri - tasol hap bilong Mendi taun i stap insait long dispela mak Imbonggu Kuaire North Hewa na South Hewa	Mendi Open	
		Ialibu-Pangia Open Kagua-Erave Open Kandep-Porgera Open	Imbonggu Open Ialibu-Pangia Open Koroba-Lake Kapiago Open Southern Highlands Provinsal Middle Fly Open
WESTERN	Lake Murrari, Tomu River, Lower Rentoul, Upper Strickland na Middle Fly Gama River, Lower Bamu, Upper Bamu, West na East Gogodola	Western Highlands Regional North Fly Open	
	Baiyer Mul North Wahgi South Wahgi na East Kambia	South Fly Open	Middle Fly Open
WESTERN HIGHLANDS	Angalimp	Kompam-Baiyer Open Mul Open Wahgi Open Wahgi Open	Baiyer-Mul Open Baiyer-Mul Open North Wahgi Open Angalimp-South Wahgi Open Angalimp-South Wahgi Open
	West Kambia Kombe	Hagen Open Talasea Open	Tambul-Nebilye Open Kandrian-Gloucester Open
WEST NEW BRITAIN	West na East Coast Vaimo Sissano Aitape Islands Siau Batai West Wapei, South-West Wapei Somoro na Lumi South Wapei Hap bilong Wanwan West Au, East Au, West Palei, East Palei, Seim, Maru Klaplei, Maimai-Nemblo Hap bilong Wanwan Upper Leonard Schultze, Om River, Teramin Tekim na Bak Bimin East na West Mianmin Telefomin - Eliptamin na Telefomin na Tifalmin-Urapmin i kan insait long dispela mak Atbalmin Namba wan hap bilong Yapsiei Namba tu hap bilong Yapsiei Idam Rocky Peak na Nagu Samsai na Niksek	West Sepik Coastal Open West Sepik Coastal Open West Sepik Coastal Open West Sepik Coastal Open West Sepik Coastal Open Wapei-Nuku Open	Vaimo-Green River Open Aitape-Lumi Open Aitape-Lumi Open Aitape-Lumi Open Aitape-Lumi Open Aitape-Lumi Open
WEST SEPIK		Upper Sepik Open Upper Sepik Open Wapei-Nuku Open	Telefomin Open Nuku Open Nuku Open
		Wapei-Nuku Open Upper Sepik Open	Nuku Open Telefomin Open
		Upper Sepik Open Upper Sepik Open	Telefomin Open Telefomin Open
		Upper Sepik Open Upper Sepik Open Bewani Open Bewani Open Bewani Open Upper Sepik Open West Sepik Regional	Telefomin Open Telefomin Open Telefomin Open Telefomin Open Telefomin Open Wosera-Gauai Open East Sepik Provinsal

Mi yet mi raitim,
J.S. Mileng
Kominisa Bilong Ileksen
28 Mas 1977.



TOKSAVE BILONG ILEKSEN BILONG OL MEMBA BILONG NESENEL PALAMEN I MAS I KAMAP

Dispela toksave i go long olgeta Bosman Bilong Ilekseen long olgeta 89 Open Iektoret na olgeta 20 Provinsal Iektoret. Lista bilong dispela olgeta iektoret em i stap daunbilo. Na dispela toksave i olsem:

Yu mas bihainim stret dispela tok. Yu mas kamapim rot inap ilekseen bilong wanpela Memba Bilong Palamen i ken i kamap insait long iektoret bilong yu. (Lukim lista i stap daunbilo.) Na dispela ilekseen i mas bihainim stret lo bilong ilekseen. Na mi makim de yu mas bihainim long mekim dispela ilekseen, olsem:

1. Las de man no meri inap kamapim nem bilong en bilong dispela resis long ilekseen em 9 Me 1977.
2. Sapos tupela i resis o planti manmeri i resis, orait ol manmeri i ken stat long vot long 18 Jun 1977.
3. Sapos tupela i resis o planti manmeri i resis, orait las de bilong ol manmeri i ken vot em 9 Julai 1977.
4. Na yu mas salim i kam bek dispela toksave long 19 Julai 1977.

Mi yet mi raitim nem bilong mi long dispela toksave, na mi mekim olsem long de namba 7 long mun Epril 1977.

TORE LOKOLOKO

GAVANA-JENERAL

(Mi wok wantaim na bihainim
tok bilong Komisina Bilong Ilekseen.)

OLGETA PROVINSAL ILEKTORET

Bougainville	Gulf	Northern
Central	Madang	Southern Highlands
Chimbu	Manus	West New Britain
East New Britain	Milne Bay	West Sepik
East Sepik	Morobe	Western
Eastern Highlands	National Capital	Western Highlands
Enga	New Ireland	

OLGETA OPEN ILEKTORET

Abau	Ialibu-Pangia	Lagaip-Porgera	Pomio
Aitape-Lumi	Iivitari	Lufa	Rabaul
Alotau	Imbonggu	Madang	Rai Coast
Ambunti-Dreikir	Jimi	Manus	Rigo
Angalimp-South Wahgi	Kabwum	Maprik	Samarai-Murua
Angoram	Kagua-Erave	Markham	Sinasina-Yonggamugi
Baiyer-Mul	Kainantu	Mendi	Sohe
Bogia	Kairuku-Hiri	Menyamy	South Bougainville
Bulolo	Kandep	Middle Fly	South Fly
Central Bougainville	Kandrian-Glouster	Middle Ramu	Sumkar
Chuave	Karimui-Nomane	Moresby North-East	Talasea
Daulo	Kavieng	Moresby North West	Tambul-Nebilyer
Dei	Kerema	Moresby South	Tari
Esa'ala	Kerowagi	Namatanai	Telefomin
Finschhafen	Kikori	Nawae	Tewai-Siassi
Gazelle	Kiriwina-Goodenough	Nipa-Kutubu	Unggai-Bena
Gailala	Kokopo	North Bougainville	Usino-Bundi
Goroka	Komo-Margarima	North Fly	Vanimo-Green River
Gumine	Kompam-Ambum	North Wahgi	Wabag
Hagen	Koroba-Lake Kopiago	Nuku	Wapenamanda
Henganofi	Kundiawa	Obura-Wonenara	Wewak
Huon Gulf	Lae	Okapa	Wosera-Gau
			Yangoru-Saussia

Dispela i kamap long Port Moresby long de namba 7 long mun Epril 1977.

Mi yet mi raitim,
J.S. Mileng,
Komisina Bilong Ilekseen

Papua New Guineans' own national weekly in Melanesian Pidgin.

Editorial Office:

Box 1982
Boroko
Papua New Guinea
Phone: 25.2214
Telex: WANTOK
NE 22213

Branch Offices:

Box 396
Wewak
Phone: 86.2488

Box 90
Rabaul
Phone: 92.1355

Box 111
Wabag.

Australian Advertising Representative:

Kevin Engel
8 Duraba Pl.
Caringbah (2229)
Phone: 525.6263

Subscription rate:
Annual: K8.00.

**OL STON
MASALAI
I MERI**

Bipo tru long tumbuna bilong mipela long ples Kalem, wanpela masalai nem bilong em Tamaulpa, na em i gat tupela meri bilong em. Wanpela taim ol manmeri bilong ples Wampiu i mekim bikpela pati na singsing. Em i harim ol kundu i pairap na em i tokim tupela meri bilong em olsem em i gat sik. Em i giamanim tupela tasol. Em i kirap lusim skin masalai bilong em na em i kisim kundu bilong em na i wokabaut i go long ples Wampiu.

Olgeta manmeri bilong ol 5-pela ples i bung long ples Wampiu. Ol i stap singsing na ol i lukluk long ol manmeri na ol yet i sot-pela tumas na masalai Tamaulpa i longpela tru long olgeta.

Ol i stap singsing i go na masalai i pilim skin bilong em i hat tru olsem paia i kukim em. Em yet i save pinis, tupela meri bilong em i kukim skin masalai bilong em. Em i tokim ol, mi laik lusim yupela nau.

Taim em i laik go, olgeta manmeri i hangamap long lek na han bilong em. Masalai Tamaulpa i kirap tromoim lek na i lusim sampela man na meri long ples Inkiap, sampela long Impep na las long en long Termes.

Na em i save go olgeta



long Kafle na tanim givim baksait, olsem na ples bilong mi i gat planti ston masalai meri i stap. Sapos ol i wokim paia antap long ston masalai, meri, bai olgeta meri long ples bilong mi i dai pinis olgeta.

I kam inap nau, ol ston i

slip arere long haus bilong mipela em ol meri tru. Tasol masalai i tanim ol olsem ston. Em tasol stori bilong tumbuna bilong mi.

Martha Kamin,
Nuku/W.S.P.



**"Coke em i
samting tru"**



N.G.I. INDUSTRIES LAE, AUTHORISED BOTTLERS OF COCA-COLA AND FANTA.



Dispela spes Pangu Pati i baim

PANGU

i bilip :-

OL YANGPELA I MAS:-

- . STAP SIKS YIA LONG PRAIMERI SKUL,
- . STAP FOA YIA LONG HAI SKUL,
- . LAINIM WOK DIDIMAN NA WOK BISNIS,
- . KISIM SAVE LONG YUSIM NA STRETIM OL MASIN SAMTING LONG PLES,
- . KAMAP VILES LIDA NA WOKA,
- . HOLIMPAS OL GUTPASIN BILONG TUMBUNA PAPA.

OL BIKPELA MANMERI I MAS INAP:

- . KISIM SAVE LONG RIT, RAIT NA KAUNIM NAMBA,
- . SAVE GUT LONG HELT,
- . KISIM TRENING LONG GO HET LONG WOK BILONG OL,
- . LAINIM WOK DIDIMAN NA WOK BISNIS,
- . KISIM OLKAIN HELPIM BILONG BOSIM GUT PLES.




Wingkeo Williong, Nesenel Seketeri, Pantu Pati
P.O. Bokis 623, Port Moresby, i bin oraitim ol dispela tok.

kamap long 30 man long dispela lain. Tripela i no bin dringim planti na dispela tripela i no gat hevi i kamap long ol.

Na 22 man i go kwiktai long haus sik long Port Moresby. Long wanem: Ai bilong ol i bagarap, na ol i no inap lukim gut kain kain samting. Bi-hain long 8-pela aua moa 4-pela man i slip pinis. Na 4-pela arapela man i kam long haus sik. Dispela 4-pela i gat narakain narakain bagarap.

Na ol dokta i wok long helpim ol, tasol 4-pela yangpela man i dai pinis. Nem bilong dispela lain i olsem: Tau Maguwi em i gat 20 yia. Na Nou Gaba em i gat 19 yia. Na Lahui Mea em i gat 27 yia. Na Kevau Heni em i gat 19 yia. Na tupela arapela yangpela man i gat bikpela sik i stap yet.

Na ol dokta i glasim gut ai bilong olgeta sikman i kam. Na ol dokta i painim bikpela hevi i kamap long ai bilong 24 man. Bai ol i no inap lukim gut kain



Dokta Sirus Naraqi i holim glas i gat liklik hap methal alkohol. Dispela samting inap kilim man i dai pinis.

kain samting. Insait long dispela lain i gat 9-pela man ai bilong ol i bagarap tru, na bai ol i kamap aipas.

Ol dokta i pinisim olgeta marasin i stap long haus sik. Na ol i singaut long haus long Lae na Rabaul na askim ol long salim i kam kwiktai sampela marasin moa.

Olgeta yangpela man i stap long dispela pati na i

dringim dispela methal alkohol, bai long tupela mun i pinis, ol i mas i go bek long haus sik gen, inap ol dokta i ken glasim ol gen.

Mista Martin Sirigoi, hetman bilong haus sik, em i tok, "Mi amamas long ol wanlain bilong ol. Sapos ol wanlain i no bin bringim ol i kam kwiktai long haus sik, orait bai planti man moa i dai pinis."

METHAL ALKOHOL I SAVE BAGARAPIM MAN

Dispela lain ol i bin dringim dispela methal alkohol. Dispela kain alkohol i gat kain kain wok. Em i namba wan samting insait long spirit bilong laitim lam na spirit bilong klinim na rausim pen na kain kain samting olsem. Olgeta dispela kain alkohol i gat nem methal alkohol.

Pe bilong dispela kain alkohol i no bikpela tumas. Olsem na planti man i ting dispela kain alkohol i winim bia, na ol i laik kisim na dringim.

Tasol dispela kain tingting i no stret. Nogat tru. Dispela kain methal alkohol em i strongpela moa. Em inap bagarapim tru ai bilong man na kilim i dai pinis man i save dringim dispela alkohol. Wapela spun tasol em inap long bagarapim man. Na ol dokta i no inap stretim gen ai bilong man i bin dringim dispela alkohol.

Sapos man i putim planti

wara wantaim dispela alkohol, em tu i strongpela dring yet, na em inap bagarapim tru man i save dringim dispela samting.

Dispela pasin olsem dringim methal alkohol em i no nupela samting hia long Papua Niugini. Nogat, Tasol dispela lain long Hanuabada em i winim tru olgeta arapela lain i bin mekim olsem bipo. Long wapela biktaun long Amerika long 1951, 323 manmeri samting ol i mekim olsem. Na 41 manmeri i dai pinis na 115 manmeri ol i kamap aipas.

Dokta Sirus Naraqi bilong Yunivesiti em i tok olsem: "Sapos yu dringim dispela methal alkohol, bai dispela kain bagarap i ken i kamap. Olsem ai i gat bikpela sik, na pen i kamap long bel, na man i traut, na het i pen, na het i raun."

Dokta Naraqi i tok moa, "Mipela wokman long haus sik mipela i gat bikpela bel hevi long dispela samting i bin kamap. Long wanem: Planti man i dai pinis, na bai planti man moa i kamap aipas. Mipela i no laik long dispela pasin i kamap gen. Nogat tru."

TOYOTA WINIM OLGETA PMV LONG PNG



TOYOTA **ELA** 
MOTORS LIMITED

**Burns
Philp**
GROUP OF COMPANIES

Dispela spes Yunaitet Pati i baim



YUNAITET PATI EM I NO PATI BILONG WANPELA MAN TASOL.

NOGAT TRU.

EM I PATI BILONG OLGETA MANMERI LONG PAPUA NIUGINI.

YUMI OLGETA I SANAP STRONG NA MEKIM OLSEM:

* Lainim ol skul pikinini long Kristen bilip bilong yumi

* Daunim pe bilong baim hai skul inap ol papunama i sot long mani ol yet i ken baim dispela kain skul

* Givim gutpela trening long ol inap ol i ken save moa gutpela rot bilong strongim faip bilong ol long viles

* Olgeta Provinsal Gavman i mas i gat pawa long straim wok skul insait long provins

* Sanapim planti komyniti skul moa map planti pikinini moa i ken skul

* Kamapim nupela hai skul long ples i no gat dispela kain skul i stap



* Helpim olgeta provins i kamapim planti teknikel skul

* Kamapim planti skul moa long ples na long taun, na dispela kain skul i ken lainim ol bikpela manmeri long kain kain samting

NAU EM I TAIM BILONG GO HET

VOT LONG YUNAITET PATI

EM I PATI BILONG YUMI



Tok orait long dispela tok save i kam long
Sir Tei Abat, CBE., P.O. Box 3534, Port Moresby

YUMI GO WE ?

Yumi go we olsem pipel bilong eria bilong yumi yet? Wanem samting i wok long kanap long yumi? Wanem samting i kamap long graun bilong yumi? Wanem samting i kamap long ol yangpela pipel bilong yumi? Wanem samting i kamap long mani bilong yumi?

Yumi laik go we olsem pipel? Wanem samting tru i olsem wari na laik yumi bilong yumi? Mani em bikpela wari bilong yumi, o nogat?

Developmen em wanem samting? Na selp rilaiens em wanem samting?


I no longtaim i go pinis, ol i bin autim ol dispela askim long kibung bilong

rural developmen long Alo-
tau long Milne Bay Pro-
vins.

Samting olsem 36 pipel i bin i stap insait long dispela miting. Na olgeta yet i makim ol sios, na dipatmen bilong gavman na ol arapela grup. Mista David Williams, Seketeri bilong Wok Didiman bilong Melanesian Kaunsil Bilong Ol Sios yet i bin redim o lukaut long dispela kibung.

I bin i gat planti wari i kamap. Ol wari olsem, ol pipel i bilip strong long poisin na sanguma. Na dispela i mekim wok i hat long ol wokman.

Ol pipel i tok: Skul bilong gutpela lidasip i wan-



pela bikpela samting tru insait long dispela kantri. Mista Tony Watts, stiaman bilong Kristen Komyuniti Senta long Popondetta tu i bin toktok long sampela samting em i bin lukim insait long Indonesia. Em i tok, ol kaunsil na ol sios i save ranim ol sios yet i save ranim Indonesia Tren-
ing Senta.

Long dispela kibung, ol i bin toktok long planti gutpela samting.

(1) olsem wanem yumi kukim diwai na blakpela sok i kamap?

(2) olsem wanem yumi kisim diwai na wokim aven inap yumi ken hatim aian? Na olsem wanem yumi ken usim

olpela gumi bilong taia long winim paia i stap long dispela aven?

(3) wanem we ol i ken wokim naip long olpela ain. Olkain samting olsem spring bilong ka. Ol i ken paitim dispela hap ain wantaim hama.

Ol i bin lainim ol pipel long we bilong planim kaikai i gat strong long en. Ol kain kain kaikai olsem mung bin. Dispela kaikai ol i save wokim wantaim waitpela susu bilong kokonas.



TOBA PTY. LTD.

Lae, Port Moresby

CANTER

TIPPER

T120 MINIBUS

T120 UTILITY



LANCER

MINICA

CELESTE

SIGMA

OL I HETMAN BILONG SALIM OL MITSUBISHI KA



SMOK BALUS I GO LONG HONG KONG

Nau bikpeia smok balus bilong Air Niugini, Boeing 707, i save mekim wampela ran i go stret long biksiti Hong Kong long hap bilong Saut Is Esia long olgeta wik long Tunde. Smok balus ya i save flai inap long 6 aua na 10 minit long i go kamap long Hong Kong.

Smok balus ya bai karim ol pasindia i laik i go long Yurop na Amerika na long ol arapela kantri long Esia tu.

Air Niugini yet i gat wampela nupela buk bilong odaim olkain kaikai, na i gat musik i stap insait long balus, na ol pasindia i go long Hong Kong ol i ken harim.

Long olgeta Fonde, Air Niugini Boeing 707, i save flai i go long Kagoshima long Japan. Na long olgeta Mande i go long Filipin. Na long olgeta Tunde i go long Hong Kong long olgeta wik.



Piksa bilong nupela K20 mani.

Nupela Mani

Mista Henry To Robert, Gavana Bilong Beng Bilong Papua Niugini i tok: Bai yumi kisim nupela pepa mani. Dispela nupela mani em i K20.

Sais bilong dispela nupela pepa mani em i wankain olsem sais bilong K10, pepa mani i stap nau. Na kala bilong dispela nupela pepa mani em i retpela. Na olgeta makmak i stap long en ol i braunpela.

Dispela nupela pepa mani em i gat wampela liklik tret i stap namel long pepa. Dispela tret em i mak bilong dispela pepa mani em i mani tru. Olgeta pepa mani bilong yumi em i gat dispela liklik tret i stap namel long ol.


Long wampela hap sait bilong nupela mani i gat piksa bilong kain kain samting bilong yumi. Piksa bilong samting bilong Manus Ailan na makmak i stap long plang bilong paik, dispela kain makmak i stap long nupela mani. Na i gat piksa bilong sampela samting i kamap long Sepik na long Galf Provins na i gat piksa bilong het bilong kanu i kamap long Milne Bay Provins.

Long baksait bilong nupela mani i soim piksa bilong het bilong pik i stap. Na i gat piksa bilong ol toea sel i wokim long Sentral Provins na piksa bilong ol kauri sel i wokim long Madang. Na tu i gat piksa bilong sampela sel ol i wokim long Westen Provins.

Dispela nupela mani i kamap long olgeta beng insait long Papua Niugini long namba 19 de bilong mun Epril.


SAPOS YU LAIKIM BATERI TRU YU BAIM DISPELA KAIN

Kaset Bilong Maxell
Em i namba wan tru



distributed by Hagemeyer (PNG) Pty. Ltd.

Bateri Bilong Maxell
Em i save wok longpela taim tru



P.O. Box 673, MADANG
PHONE: 822445

P.O. Box 1428, BOROKO
PHONE: 256144

P.O. Box 63, RABAU
PHONE: 922633

P.O. Box 90, LAE
PHONE: 423200

P.O. Box 11, MT' HAGEN



DAVID I LUSIM PNG

Poto i soim Mista David Williams, Seketeri Bilong Wok Didiman bilong Melanesian Kaunsil Bilong Ol Sios. Em i bin lusim PNG long namba 13 de bilong mun Epril.


Bipo David i bin i stap wok 14 yia olgeta long Filipins. Na em i bin i kam wok inap 3-pela yia pinis long PNG. Em i bin givim bikpela helpim tru long raitim dispela buk ol i kolim "LIKLIK BUK".

Em wantaim famili bilong en bai ol i go bek long Amerika na wok wantaim bikpela ofis bilong ol misin. Meri bilong en Pat, em i bin wok namba wan seketeri bilong YWCA long Lae.



Salim pas i kam.

Wantok
Box 1982
Boroko



YU NO KEN LUKLUK LONG PEPA BILONG MI. SAPOS YU NO SAVE LONG PLES OL I SALIM WANTOK, YU GO LONG:
BOROKO NEWS AGENCY
: BALUS NEWS AGENCY
: KOLES NEWS AGENCY
: NEW GUINEA BOOK DEPOT
: POST NEWS AGENCY
: TAURAMA NEWS AGENCY

BILONG KISIM WANTOK NIUS PEPA LONG PORT MORESBY.

NO YU KEN RAITIM PAS I GO LONG.

WANTOK PUBLICATIONS
P.O. BOX. 1982,
BOROKO.

YU MAS SALIM POSTOL O MONI ODA BILONG K8.00 IGO WANTAIM LONG KISIM PEPA LONG WAN YIA